

歐

北

集

甌北集卷二十九

乙巳

陽湖 趙翼 雲

清明前二日壽菊士招同棕亭再可立屋諸公
舟至平山堂卽事

我昔曾訪平山堂

己巳歲

小舟泛入菰蒲荒到山欲問醉翁

蹟數間古寺支斜陽垂老重來景非昨山色增濃水痕
擴紅橋南北渺風漪處處名園互鈎絡一株楊柳一株
桃五步樓臺十步閣水學杭湖裏外分山疑蜀崦東西
各好花得地態倍妍時鳥占林聲更樂舟行如駕羊車
游到處竹鹽留住脚畫稿從誰粉本翻匠心直運月斧
斲平山堂子更鬱蒼紺宇琳宮八寥廓故物惟存勝頭

字

平山堂三字隸書尚歐陽公款

其餘皆出新黝堊一勺清冷第五泉粧成

千層好巖壑信哉繁麗推維揚肯讓他邦誇繡錯爲問
締構起何時庚午年間始荒度自後踵事益增華度
翻新一丹雘荒疇開出波濤漸平地壘成峯岬嶢古松
十圍桐百尺帶土栽來葉不落移山欲笑愚公愚陷河
幾同惡子惡到此始信錢神力直把混沌重開鑿坐中
有客唐子西偏嫌脂粉非天姿再可持論如此此論未公吾不取
趣呼麴酒罰滿卮淡掃蛾眉鬪真艷古來有幾號國姨
縱復天生好顏色藍縷出見成何儀我昔踏遍西南徼
懸崖絕巘無限奇求一茅亭不可得解鞍藉草坐片時
又嘗遠浮湖湘水滄波萬頃極渺瀰苦無村館供小憩

聊復暫賸河之湄豈如此間景攢簇臨水有軒倚山屋
廻環不出十里間盡日探幽探不足百萬金錢粧點成
始供我輩來遊囑猶復雌黃議其後毋乃處福不知福
却憶前遊會幾時溪山改色遽如斯白頭俯仰浮踪幻
絕似人間丁令威

清明後一日松坪前輩招同西巖涵齋棕亭湖舫

雅集

多煩折簡到潛夫出郭尋春興不孤千樹桃花萬楊柳
揚州城外小西湖
一樣風光二月春林亭點染倍鮮新畫家小李將軍派
金碧山川粉黛人

香雪飄殘萼綠華

平山堂有梅千株號小香雪

旁人笑我願空賒風流詞

客非高士不看梅花看杏花

多少名流此擅場只傳杜牧與歐陽老夫不自量才力

又擲枯毫上畫航

紅橋修禊客題詩

三十年前盧雅雨爲巡使時事

傳是揚州極盛時勝會不

常今視昔我曹應又有人思

花魂欲睡隱蒼烟重結清游異日綠風露峭涼人半醉

滿湖燈火夜歸船

贈嵯使全惕莊

禁林曾記附班行今日相逢各老蒼趨直東華談往跡
理財南國拜封章能將國事爲家事更看官場似戲場

怪底鱗網喧熱地與余書館一般涼

吳澂埜編修杜村中翰招同西巖前輩飲梅花屋

下十韻

客路誰相問偏蒙饗老饕填荒共仙籍館閣總詞曹詩

集編花萼官銜賜錦袍

澂埜以總校四庫書恩授翰林

校書天祿閣卜宅

廣陵濤暫衣還鄉繡猶焚繼晷膏開樽聯雅集結契爲

風騷船屋三間小瓶花一丈高

范益養老梅一柯大盈屋

飛觴人共醉

投轄客難逃聞說多藏帙思從潤腐毫一瓊如肯借投

謁敢辭勞

家多藏書

游孝女測字養親詩

名文園年十七以測字養親

相字古未聞相傳始唐末玉局崔道士北干止剽奪

見北

夢宣和謝潤夫聲名徹禁闥御書朝字來知十月十日

問官得請字謂未全言責問孕得也字謂腹有蛇疾見夷

堅志及寓間迨乎南渡後專家益輩出土加畫爲王杭移點成

木權相書退字目與人甚密知其糾結深至老不罷黜

權闥書囚字國內大人一其如四無依懸縊兆可必見說郭

斯皆擅絕技巧中百不失至今江湖間往往習其術大

抵游食徒星卜同一律何哉游氏女亦復矜弄筆設案

闥中風吹面如漆波磔或拆離偏旁或配匹卜者信

手拈輒爲判凶吉問女年幾何何不處在室有嫗坐其

旁一一爲縷述幼小讀詩書今年十有七親老鮮兄弟

藉此養衰疾街頭字一个堂上米一溢嗟哉女何賢曾

閑出巾櫛豈惟夙慧深托業良可卹揚州銷金窩動擲
千萬鎰厨有臭酒肉途有墜鈿舄何不涓滴分憫此嬋
媛質免使傍路塵含羞對囂聒我欲覓此語或已笑迂
濶

招管松崖漕使王夢樓前輩了凡禪師重寧寺齋
食後泛舟至平山堂遊平遠樓諸勝松崖有詩
卽次原韻

平遠樓高不厭尋喜隨使節又經臨階前紅雨仍香徑
江外青山是故林貧具筍蔬慚主誼老逢羅綺尙童心
風流最羨青驄過一道裙腰草色侵

出處殊踪豈易尋湖山欣此共登臨地真南國鶯花界

人盡西園翰墨材有詠無觴仍禊事是日無酒爲儒學佛亦名

心

夢樓喜奉佛

題詩幸附朝簪貴定有紗籠護不侵

贈夢樓

切雲樓迴兩三層勝侶偕來快一登後輩舊隨前輩第

庚辰辛巳

廷

誦名次相同

在家今作出家僧

君持齋已十餘年

持齋不用燒豬待

是日了凡代治具故以佛印爲喻

拾級還同跨鶴昇也比蘭亭修禊會可應

作序寫吳綾

吾書名擅一時

贈了凡

伊蒲宴客梵筵豐方外豪華另一宗作鎮愧無腰畔帶
赴齋正及飯前鐘落紅久不沾衣惹賜紫何須破衲
縫竟日同舟真可幸寒他佳話虎溪踪

湖上二首

山光澹沲水縈紆幾日蕪痕綠滿途隄上香車隄下舫
清明一幅上河圖

連日狂飈捲地來孟婆作意把花摧可憐桃李貪人看
不爲風多遂不開

三月五日記異

揚州有范郎腹痛夜生子形不具頭足塊然一肉瘡不
知誰所爲胎亦十月矣其事太新奇沸騰滿街市或將
咎五丁開山召禍始曾無牛糞金徒比馬遺矢又有青
樓家妬豎劒眉起謂此方便門分我纏頭幾老夫方晏
坐因之悟物理男女作配合特其大凡耳陰陽有變幻

未可一端擬越人擁襪歌鄂君繡被啓荷強所本無
樂彼不喜惟其兼女性言合成兩美孳孕何足奇總
氣化裏不見星象中一身有二體不見物類中鳥風同
穴止陋儒方咄咄災異考前史

余因菊士招飲湖舫得晤朱立堂卽承枉和長篇
欣荷之餘敬酬以誌雅意

名流何意遇芳郊春到垂楊綠滿梢風雅有緣天作合
湖山正美客論交水邊脆管船雙槳竹裏行廚饌五肴
記取盞簪鴻爪跡紅橋南畔小山坳

老境

天生人官骸一器具一用惟此眉髮鬚無知覺運動旣

一無所能偏能將老送時時來嚇人勾引冰霜凍又居
最高處黑白見者衆此豈不可憎化工何必種我欲盡
髡之拚得一夕痛無奈纔掃除重生又如葑

少聞柳下惠能坐懷不亂私心竊疑之謂孰在旁看柳
下自言耶真偽未可判女出告人耶亦難作定案安知
非欺人外托秉燭且今我老境來始信語非謾從前好
風懷久作春冰渙卽令伴橫陳味已嚼蠟換然則易事
耳何妨夕見粲以我蒲柳衰證彼葛藤斷老夫與古賢
可同號鐵漢

春花覺太多秋花恨太少何不分春華來綴秋光老天
意豈肯然徇人以爲好乃知命一賦天事則已了籲禱

與怨咨皆付之不曉奈何世人愚向天頻聒擾不平既
呼冤有得又嫌小天亦厭喧囂高坐蒼蒼表

梅花在江南比之如高士枯枝發寒葩自有孤潔意我
昨在嶺粵所見乃大異樹皆不落葉花爲葉所蔽何曾
見清幽轉覺嫌蕪翳無葉花乃尊葉多花反累所以獨
行人離俗愛孤寄

食香椿有感

新故相乘共喜新自因生意在青春可憐一樣庭前樹
嫩是香椿老臭椿

題棕亭見和長篇後并乞其爲拙集作序

一枝健筆領風騷老去詞源尙湧濤至死不僵蟲百足

橫行無敵蟹雙螯青樓香徑尋花熟紅燭華筵對酒豪
流寓恰當名土地康山風月價增高

叢殘舊稿偶成編敢說人間快覩先數十暑寒吾輩老
萬千著述幾人傳幸逢皇甫思求序既有鍾期肯絕絃
廿載相思一朝見也應不吝筆如椽

鱖魚初出松坪前輩卽購以見貽賦謝

銀鱗尺半壓荒廚纔是江鮮入市初一尾千錢作豪舉
先生今日宴頭魚

客中誰復問衰孱貫柳驚投飯顙山曾共蓬池叨賜鱠
故應臭味倍相關

菜根久礪齒牙牢珍味無端誘老饕不肯累人窮閨貢

爲君一旦破清高

松坪於齋頭遍插芍藥招同涵齋松亭再可雅集

卽事

相期不負景清和又許看花發醉歌前日鱖魚今芍藥
老來食色累公多

尋花我昨步當車君乃移花插滿家始識名流太驕貴
要花尋我不尋花

都是歸田老阿猷昵花花亦逞妍來笑他金帶圍真俗
只爲逢迎宰相開

不礙花名喚小鬟芍藥爲婢見
害人本事詩上堂一一關容顏如何紅

粉多如許猶向人前說老鰥松坪已鰥
居十餘年

苦旱

正是龍舟競渡時傾城士女出遨嬉可憐簫鼓喧闐處

中有饑寒世未知

午節前後常州龍舟甚盛觀者如堵時將屆插秧而河水已漸枯耗遊人初不念及也

長河將竭細流斜兩岸啞啞萬水車絕似一條蛇尾縮
亂鈎搭住在泥沙

河水枯纔五寸餘共貪竭澤競來漁看他赤脚泥漿裏
也似人間釜底魚

老農閒殺坐清陰滿把黃秧插不成翻似往年梅雨足
水車泥上閣無聲

五月二十以後各處支港已竭無水可尋農民不能插秧皆束手坐待

贈王文園給諫

黃門班迥近星河諫紙聲名振駁筭年正可官歸里早

位雖未相活人多

歸田已十餘年以醫活人甚衆

操觚文字仍遊戲

出近作制藝見示

載酒江湖任嘯歌京國舊交今漸少喜君兩鬢不曾皤
浪跡江鄉類隱淪刀圭試手輒生春始知白社投閒日
猶是蒼生托命身康節行窩爭欲設伯休入市共相親
笑他煉汞燒丹者只自求仙不救人

旱坐遣悶

驅魃焚巫術屢更莫唄祈雨轉祈晴老夫倘出東山去
竊恐爲霖也不成

秋思

街鼓沉沉夜正中清吟人坐畫欄東涼生旅館孤燈雨
秋在高樓一笛風地縱近游仍是客身誇老健已成翁

稍欣殘暑驅除去明日湖航泛碧空

陳灣山下大銀杏樹歌

小有長鯨陸有象物產每多破格樣陳灣山下一銀杏
大數十圍長百丈霜侵雪蝕老不死拏攫空中勢張王
不知何年托根牢近或唐宋遠六朝生於平地不自量
其意欲與山爭高團團廣蔭更數畝綠棚遮徧千僧寮
皮皴甘作鐵石醜竅古翻似洞壑枵探卵無驚鳥夢穩
吸露易飽蟬鳴驕樹中此亦巨無霸俯視萬木皆兒曹
名材摧折世何限樵斧斬伐獵火燒輪囷何以獨無恙
或因僻在荒寒郊倘更長養千百歲天公亦恐觸胥腰
我來正值秋聲雪雄猛神威使人怯戰罷西風葉落黃

有如老將脫金甲夜半猶聞吼作濤倒捲太湖樹頭壓
棕亭治具招同西巖松坪再可爲湖舫之遊

叩戶來名紙相邀上畫船秋方過白露人總是華顛勝

境烟花窟清談文字禪尋香叢桂樹拾級小山巔絲竹

雖無妓

遇末堂司寇
船有歌者

鬚眉或比仙會堪稱五老祠欲訪三

賢

湖上有三賢祠祀歐
蘇二公及王阮亭

治饌行廚潔開尊密室偏當爐非憤

鼻掩豆有豚肩正是持螯候何煩斫鱠鮮醉紅顏似葉

燄赤燭如椽好事推君獨居貧召客虔曾書乞米帖豈

獲作碑錢信有逢場戲同消近局筵地如韋曲好跡可

漢陂傳卽事成佳話題詩紀勝緣清遊應迭主相約菊

花天

子才書來驚聞心餘之訃詩以哭之

斯人遂已隔重泉腸斷哀安一幅箋預乞碑銘如待死

久淹床第本長眠

君中風病臥已數年去冬才過江西君預囑爲其墓誌

貧官身後惟千卷

名士人間值幾錢磨鏡欲尋悲路阻茫茫烟樹哭江天

書生不過稻梁謀磨蝸身偏願莫酬忽漫焚魚辭薊闕

也曾騎鶴到揚州屢移家去無黔突

君去官時先買宅金陵後掌教山陰揚州皆携家住

晚又卜居南昌

再出山來已白頭何限世間陽翟賈傲人足穀與

多牛

十年館閣每隨行角逐名場兩弟兄可畏隱然如敵國
所當何處有堅城久將身入千秋看如此才應幾代生
我痛自關人物謝區區豈特故交情

西巖齋頭自鳴鐘分體得七古

化工豈許人捉摸忽被巧匠偷秘鑰宛委中含十二時
添得嘉名列編縛形非九乳九耳垂製豈雙螭雙螭攫
但覺莊嚴小佛龕琢玉鏤金燦輪郭云有靈機能發響
驀如冶金奮騰躍按候恰與晷景符昕夕告期了不錯
得非雞人坐其下司旦司昏手奏樂豈知絕不假人爲
自有噌吰出寂寞寶刀刺尙愁無聲寸莛撞或慮不答
茲獨繁音起腹中似轆轤轉飢腸涸一條金線縮鐵臬
鉏鋤痕邊度咋喙寂靜微聞食葉蠶盤旋默作循條夔
忽然觸動蕤賓鐵突出刀槍鳴歆薄內有金聲外針影
聲影相隨若素約捷於緹室氣飛灰驗比鈴閣神撼索

何須景陽催曉粧豈但楓橋驚夜泊直從一寸關鍵中
地紐天根貫脉絡未央鏗爲遙山摧豐山響以清霜落
吼聞江上鬪龍身喧在土中應牛鐸何如此不煩感召
翻覺古器尙疎畧笑他僧寺百八聲考擊硤硤謹踐諾
神哉技乃至乎此問是西洋鬼工作其初攜從利瑪竇
今遍豪門炫樓閣刻漏法本自中土軒帝姬公幾荒度
後來摹彷彿制益精渴烏吸水滴涓勺金銅仙人金胥徒
四十八箭遞插脚遠公蓮葉又意造燕肅荷茄亦手斲
倩女捧牌按時登神將持杵應候搏此皆震旦千載傳
海外何由窺橐籥乃知到處有異人聰明各把混沌鑿
先生何處購求得位置高齋映筆格趨朝曾記景過塲

退直或至更平聲起柝卽今歸田輟待漏猶惜分陰肯拋
却投籤常恐就睡酣擊鉢不怕催詩惡有時放筆吐偉
詞鞞鞞能令四座愕此鐘便是程書石想見績學綜浩
博腕力健扛百斛鼎腹笥富逾千石鑊可許我來叩春
容蒲牢一聲震寥廓

清口謁雲巖相公

勳德真符古大臣南來父老擁車塵十年艱鉅看雙鬢
四海昇平倚一身臨事輒如醫遇鵠策功久已闕圖麟
古稀雖屆神逾壯平格天教贊化鈞

障川纔自汴梁回

連歲治河豫省

料理淮黃

詔復催本忠水多

偏水少要籌漕去又漕來源從瓠子河邊導隄待桃花

漲後開聽到塵談彌鎮靜方知游刃正恢恢

今年被旱洪澤湖水涸滴不能

山清口轉藉黃河水倒灌入運河公并議
消口築壩蓄水以備明春刷黃溝運之川

何幸重迎馬首東齒牙噓拂總春風始知小隱高閒處
猶在餘光照耀中馳傳公歸雙闕紫著書人老一燈紅
不關求仕還來謁此意區區稍不同

秋帆開府移撫豫省賑荒靖變勲績特異作詩寄

頌

俗以儒爲戲謂必無英雄豈知中有人建豎屹華嵩公
也名世才簪毫日華東巍科收第一出手便不同遂結
特達知洊歷開府崇十年分陝寄頌聲徧秦風汴宋古
中州災沴有獨鍾河伯淹未盡旱魃復逞凶三年無寸

兩焦土百煉銅彌望地總亦不見青一叢始知野草根
亦遭掘食空文士嚙故紙殘卒煮角弓道殣氣未絕犬
饑已噬胸監門圖莫上

帝早切癘病 詔公速移節往拯哀嗽鴻公到罄所見
拜表日幾通請帑千億錙截漕百萬鍾奪命鬼伯手返
魂到沙蟲飢腸細如線漸有糜粥充從此豫士民如蟄
回春融柘城有乞活蟻聚猶剽攻蹇驢當馬騎洶洶聲
交訐沿村掠雞豕不飽一頓供摸金破複壁搜粟窺高
墉公又亟提兵迅發霜蹄驄羣嘯眉未赤駢戮頸已紅
不出旬日內誅渠散脅從賊皆化爲民投刀潛歸農向
使不早殄燎原將安窮撲火於始燃乃真曲突功患旣

甞瘡痍威更消兵戎落落兩大事炳麟耀高穹我方臥
江村聞之傾寸衷憶昔共傑直固推器量洪庸知聞濟
畧著績至此隆雖曰乘權位得以成勳庸我若處公地
未必能如公江天一翹溯緘詩附郵筒不羨印搖鵲不
羨旌垂虹羨公一篇傳已在名臣中

題馮西軒釣船把酒圖

舟尾一佳
人蕩槳

碧山紅樹繡如屏釣艇秋風酒半醒認作志和還恐誤
爲他只帶一樵青

洞庭何羨鄂君船攜得蛾眉伴扣舷道是孤眠吾不信
更無人處有嬋娟

澄波如鏡映新粧消得風情醉後狂笑語畫師須補景

更添一對野鴛鴦

渡江桃葉認前因正好風恬水不鱗我若路迷來問渡
恐君不納趁船人

過淮晤程晴嵐值其七十壽賦詩稱祝次章兼訂
平山堂之遊

淳德高文望久崇耆英如對畫圖中廿年館閣稱前輩
十畝園林作退翁天上蓮花紅燭炬淮南桂樹小山叢
行藏回首超然處此福人間幾个同

倦遊那擬到淮濱意外重逢似宿因千里來當黃葉候

五年前已白頭人雞林購少新詩句

先赴西嶽
覓余續刻

鴻爪痕猶

舊壁塵

舊牆君詩
尚在屋壁

老去益思多見面期君同醉蜀岡春

西巖招同沈旣堂王夢樓兩前輩讌集旣堂以臂
癰不能坐長跪終席戲用西巖語作詩奉粢

不以膝行以膝坐雙趺例爲先生破旁人不知臂無膚
只道先生謙太過先生生平骨嶙峋但有強項無曲身
將軍幕下長揖處尺八腿鑄鐵作筋胡爲歸田少拘束
足恭翻作鞠厯人謂逢壯士按劍怒座中若个帶櫪具
謂向老人進履恭我輩誰是圯上公主人解嘲言語妙
金搭繡襦論果報童年鈍或跪讀書君乃一目十行俱
闢政嚴或跪請咎君家伉儷無獅吼官卑不免跪路岐
君由翰林擁旌麾此膝從來未被辱故應罰支軟脚局
教他畧嘗跪跼苦始信人間有委曲誰云一屈不可伸

正以久伸令小屈如何偏有佞佛翁頂踵自誇膜拜工

謂夢樓

奉佛

西巖治具全用素食以夢樓持齋故也作素食歌

見示亦作一首荅之并調夢樓

古人齋食但忌葷所謂葷者乃五辛後人誤以指腥血
葱薤羊豕遂不分王莽素食禱秋熟元后手詔催食肉
是知素與肉相對西漢以來已成俗更從佛教戒殺生
蕭老公乃麪爲牲李唐斷屠并著令正五九月無割烹
自此世間佞佛子必以素食表至誠豈知素也可爲絢
又增一番烹飪精夢樓持齋老不怠西巖饗之去剝宰
我非禪鑽亦伴食正嫌主不燒豬待似淵明入蓮社中

頗以無酒暗生悔豈期下箸倍覺珍不數豹胎猩猩脣
香菌自南蘑菇北菰必秋後筍未春有時故彷彿魚樣
質不相混色亂真問誰作此太狡獪素食想倩素手人
豆粥韭萍洩秘法昔人曾把庖丁殺肅賓賓肯帶庖來
此事殊較季倫達

是日即用
夢樓庖人

獨思澹泊本明志咬斷菜根

齒纔礪金齏銀餤玉粢羹特美其名非雋味茹素若又
鬪新奇何不仍來決大齋向來只道肉食鄙肉食恐無
此繁費八百里駁一割嘗豪氣翻借素風試名實不稱
殊反常寒儉幻出繁華場有如寡婦雖不嫁偏從淡雅
矜素粧衣裁縞袂曉雪色佩綴白璧夜月光遊行梅花
李花下自謂守節追共姜吾知其心未必淨招之仍可

入洞房滿堂聞言笑噴飯街鼓統如夜將半老饕捫腹
亦彭亨登車不覺腰帶斷

贈三元錢湘船

己亥解元辛丑會元狀元

三千年桃十丈藕世間奇事乃竟有滿街爭擁看三元
三元肯來訪衰朽秀才頭上三重關何限英雄老此間
禹門登或浪打去神山到又風引還至於名冠多士上
尤是人生所不想偶然得一已足誇何況連壓黃金榜
歐文忠王文恪兩元已在握臚唱聲中又飄落君獨連
擲得梟若蒲博國手棋無第二着毋乃真天仙身騎白
鳳凌雲烟三垣九閭攔不住直到玉皇香案前我聞奪
標紫宸殿榮過將軍奏凱宴却嗤三箭定天山猶尺丁

却一場戰古來惟有賴定方手平三國皆擒王直至前
明張英國三征南交渠必得君也一書生遂與二公先
後相抗衡設令國家更有別科目不知又領幾次雁
塔名噫嘻乎讀書孰不望傳世千氣萬力尙難覬羨君
占盡科名榮一日聲華滿天地從此不愁不千秋祇須
建豎堪相侔累朝如君十一个唐張又新崔元翰宋孫何王曾宋庠楊真王巖叟馮京金孟宗獻元
王宗哲明商輅事蹟半在青史留贈君一篇三元考更期進步百
尺竿上頭時以所著三元考一篇奉贈

公讌湘船於米堂司寇第自司寇以下西巖松坪
涵齋旣堂杜村及余皆詞館也江鄉此會頗不
易得司寇出歌姬侑酒以張之屬余賦詩記勝

卽席二首

綠酒紅燈紺袖花江城此會最高華科名一代尊沂國
絲竹千年屬謝家拇陣頻催拳似雨頭銜怡稱臉如霞
女郎願四類七名於湘
船湘船願以霞然二字無雙才子無雙女併作人間盛事誇
歷歷題名數輩行長筵今作聚星堂盍簪林下皆同館
射策天邊獨擅場人老半成都散漢客豪也醉踏搖娘
因君重感蓬壺夢風引神山正渺茫

寄補山閣府

公昨寄我詩險韻手自排公送袁臨汝詩中又見懷公送
袁詩
爾及余一在青雲端一在綠水涯如何兩相思氣誼久不
乖自非公古道誰復念此老抑以散髮人蟬蛻塵埃表

譬如饜肥鮮轉覺蔬笋好出處途已殊繼綰情未了何
當遠來謁身附南飛鳥

同直多臚仕可傳只數人朋夫近乎隘持論殊斷斷卓
立千仞壁不受一點塵秋帆近乎通才氣實絕倫中州
救荒績手活百萬民公兩兼其長和介備一身迎面有
寒鐵動脚有陽春承平論經濟豈必爭奇新卽此入列
傳已足爲名臣

窮達雖有命亦貴願力猛一條雲霄路層層有引領苟
其晏然足所歷卽止境腐儒正坐此遂戢霜蹄騁惟公
器量深精勤性所秉恢恢開濟畧到處力完整吏弊必
爬梳民瘼必循省臣躬自匪懈

帝鑒早遠炳行看從節鉞直上三台頂

謂與公無緣處處若相企謂與公有緣處處若相避滇
徼旣聯鑣黔疆復並轡獨至兩粵交跡同時則異凡我
作守邦皆公管內地我在公不來我歸公始至自是薄
宦命難邀故人庇公乃亦悵然時雇慨惜意謂不得此
人屈之作屬吏

題周駕堂編修雙松嘉蔭圖

潑地清陰掃不開有人把卷正低徊莫教錯認哦松吏
曾踏花磚日影來

五鬣虬枝映蠡湖湖名循陔人到倍紛敷笑他潘岳閒居
賦少此青蒼樹兩株

王氏巾箱世業存金籙那及一經尊羨君身尙承嘉蔭
又把清芬蔭後昆

贈同年白秋齋總戎

太平時世不用武緩帶輕裘稱帥府豈知志果効忠勤
也與行間等辛苦將軍家世中州人馬槩清談並絕倫
起家科第官宿衛擁旄歷遍江南春江南繁會多草竊
水上窺艙陸穿壁將軍夜巡不點燈每趁天陰月正黑
暗中偷兒方動手忽然將軍已在側巷衢處處見將軍
疑有化身千百億從此人皆得晏眠將軍爲我守門闕
探丸市魁工放火乘機好掠財帛夥將軍聞之飛上屋
水具隨來疾如笥烟煤滿面泥滿身誰識將軍卽是我

火光中早察剽敎救焚纔完賊先鎖最是淮關權使衙
庫金夜劫鼓空搥將軍被檄去捕盜茫茫何處尋根芽
氈笠改裝陽翟賈酒旗訪遍魯朱家幾度設圈思餌雉
一朝打草恰驚蛇按名輩輩遂就縛歸來載鬼盈一車
大吏交章薦功狀九重早已知任尙遷官共羨八驪
前開闔佇看千騎上正好凌烟入畫圖如何辭病求閒
曠鈴閣抽身智士心角巾歸第書生樣我因蘭譜得相
親披豁襟期見性真謂此微勞何足道設兵本以衛良
民承平不洒沙場血只有弭奸報國恩於戲將軍用
心乃如此韃韃班中能有幾秣馬整鞭宜再起廉頗尙
未三遺矢將軍聞之笑不止手指白鬚吾老矣

年饑

年饑食指多生理須節縮援例平原帖舉家但食粥我
起啜兩甌腸胃似未足聊復適可止不敢飽如飢旁有
客大笑捧土塞河濱一口省幾何乃思補衆腹

冬至前三日未堂司寇招同鶴亭方伯春農中翰
奉陪金圃少宰夜譙卽事二首

銀箭聲長欵絳騶一堂雅集最風流東山故事修絲竹

南國文章燭斗牛

少宰試揚甫畢

律管將回鄒衍暖履綦如御李

膺游主賓都是烏衣後也算相輝花萼樓

沉沉絃索到三更燈倍鮮妍月倍明敢嘆鬢絲逢短至

久拚肉陣設長平

歌者都金官色藝傾一時有坑人之目故云

美人變局非紅粉樂

府新腔有素箏

是日演
柳子腔

惹得老顛風景裂歸來惱煞一寒

藥

觀舞燈

滿野流移似凍蠅
華堂猶列炬千層
臨觴敢謂非豪舉
如此今年看舞燈

探梅

踏破芒鞋不見春
一枝忽綻野溪濱
冰霜深處陪寒士
桃李前頭作丈人
蜂蝶未知猶在夢
丹青雖好敢傳神
已經生就孤高格
忍再沾他陌上塵

客孤歲晚易生哀
且喚湖航泛綠洄
白髮已看催我老
青山原不禁人來
地連北郭纔三里
藥拆南枝恰半開

自笑先存酸意味尋花不帶賞花杯

米貴

米貴如珠豈易量午炊往往到斜陽老夫近得休糧法
咀嚼新詩誑餓腸

題張水屋分司僧服小照

詩情摩詰畫龍眠能事俱堪逸品傳可惜儒門收不住
被他老納騙逃禪

袍笏登場正及時宰官身乃喜披緇可應曾遇邢和璞
指點前身是永師

何肉周妻尙未忘無端竟作老僧裝只愁嚇得閨人惱
何物頭陀夜進房

松崖留任巡漕再到揚州喜贈

爪期不代爲勤宣破例相留

帝鑒懸

巡漕例一年報滿今特旨令君留任

馳節兩年衣短後轉漕萬舸纜

爭先春流預祝桃花水舊雨重賡錦字箋我以避荒公奉使客中頻聚也良緣

書所見

霜威似刀風似鏹五更齊起賑厥粥厥猶未開冷不支
十三人傍野垣宿急則生智計亦奇謂可彼此互借煖
肩背相貼臂相抱一團翻似屏風肉豈知久餓氣各微
那有餘溫起空腹天明過者赫然駭都作僵屍尙一簇
吁嗟年飢少炊烟猶異冬暖喘稍延豈天欲盡窮黎命

奇荒奇冷併一年獨憐此輩總無告生平詎有惡孽報
災來偏殺無罪人更從何處論公道掩埋方悲無做惟
有人又剝屍上衣非忍王孫竟髀葬死無用此生尙資
明知旋亦供人剝且救須與未死皮

唐再可以油醃生果及糖蹄餽歲賦謝

長生果子醃油新中饋君家出上珍便當唐山安世曲
侑筵每飯頌夫人

藕式豚肩彷彿製精敢加賈誼杜園名糖蹄合作唐蹄喚
此是長安本色旌

糖蹄以蘓州製者爲上君夫人宋本藕人故所製極精也

揚州度歲

故鄉不忍聽號呼度歲今宵在客途也似流民離井邑

聊師君子遠庖廚老無氣力爲馮婦

指吾鄉乙未勸賑事今復舉行余老矣不復能身任也

貧但稽留類買胡桑梓千村半溝壑此身敢獨嘆飢驅
旅恣風味一燈寒聽到江城爆竹殘薄產不收聊旅食
奇荒難救但旁觀繞庭兒勸迎年酒

大累已回餘三兒皆侍

欸戶人來

餽歲盤畧似四禪清淨地毘嵐風起不相干

甌北集卷三十一

附

陽湖 趙翼 雲菴

丙午元旦

花甲今成六十翁，少年回首太匆匆。去官久免朝元早，
報國惟餘祝歲豐。退盡蝕痕仍午景，

辰巳間口蝕

掃他沴氣

風韶光不爲災荒減，梅蕾窓間已綻紅。

戲

兒女青紅又一時，拔河拋壘儘游嬉。老夫不忍輕訶叱，
教誦淵明責子詩。

喜雨

曉枕惺騰睡起遲，驚聞浙瀝到梅枝。今年利市應三倍，

發筆先成喜雨詩

麥剡將枯得復滋救飢預卜上場時人情似接征人信
雖未曾歸已有期

瓶粟無儲已半年者畚定有麥登田去官敢說先憂事
但爲身謀也感天

兒輩何知望雨殷開窓弄筆仿平原方臨乞米書難就
忽喜牆間屋漏痕

六十自述

流年俄屆杖鄉期榜散生平概可知傳世料無青史分
歸田曾及黑頭時閒增手錄書頻校瘦減腰圍帶屢移
老嫗縱然思再嫁頗慚面已皺生皮

十年屏跡臥江村往事真堪目笑存才子聲名徒嚇鼠
好官滋味畧嘗醺篝燈一穗寒無燄木榻雙趺隱有痕
子晉吹笙已仙去此翁長守藥爐溫

生平游跡遍天涯塞北交南萬里賒人羨見聞增宦轍
天如成就作詩家翻來笳拍傳紅粉繡入弓衣抵碧紗
一卷風烟紀行什頗同海客泛星槎

偶然高興返田廬妄意名山數卷書早識一邱同作貉
何如雙袋且垂魚故人已擁高牙蠹斯世誰欽下澤車
雪水烹茶味雖好比羔兒酒太清虛

從戎曾到瘴江濱草檄空誇筆有神絕域表終來獻雉
書生相豈稱圖麟銅符五夜傳軍令鐵騎千山踏戰塵

贏得人稱隨陸武歸來一一詫鄉鄰

髣髴絲禪榻影飄蕭看盡人間覆鹿蕉尚未成僧綠食肉
久辭作吏且伸腰所愁原壤無稱述若比黔婁已富饒
消遣殘年復何事江天風物寫漁樵

平山堂似繡屏開好友相招月幾回地有歐陽遺跡在
人疑杜牧後身來樓臺兩岸名園接燈火中流畫舫廻
他日紅橋誌修楔老夫曾此屢銜杯

頗思隨俗一稱觥儉歲家家食藿羹安得點金施小惠
自嫌畫餅剩虛名身無半畝憂天下眼有千秋愧此生
米貴恰宜師辟穀好教年老漸成精

送湯松齋赴任彰德別駕

地入中原氣勢雄監州新拜印牀紅官分刺史班春騎

山有名王避暑宮

高歡宮在黃華山見元好問詩

華轂膏流行部兩繡旂聲

壯渡河風下車正及催耕候早喜陽和土脉融

在德久旱聞今春得雨

寄述菴按察

廉訪三秦拜特除早聞風動百城餘崇班舊肅烏臺座

君由副憲出外

惠澤春流龍首渠官燭兩行鈴索院使旌千騎畫

輪車遙知結習仍文字讀律纔完又讀書

蠻徼從戎髯未皓記曾聯騎挽雕戈王尊又上邛徕坂

劉秩真當曳落河往事眼前如未遠故人海內已無多

秦雲遙望三千里甚欲相尋奈老何

鴉大爭肉行

烏鴉啄屍血不紅饒犬來逐鴉飛空有人又驅饒犬去
人肉供人豈汝供犬旣怒嗥鴉亦罵犬似蝻蚌遭漁翁
二月十二日大雨如注一年來所未見也後數日
知

皇上遣副都統阿

彌達

賁香至黃淮各廟祈雨正以是

日行禮乃知此雨實

帝心所感召也春麥得滋饑羸可活草莽微臣欣感不
已敬記以詩

經年不聽簷端溜旱災比戶飢腸吼璇霄晴老碧無縫
恨不鑿破使穿漏今朝甘澍何滂沱其粗如繩密如羅
雲氣漆黑雨氣白恍見雨師行雨迹手中一漉匙一片

叩頭多乞滴數滴殺盡百花吾不惜有人忍死待春麥
雨過旋聞淮信報 朝廷遣官禱諸廟計期破塊大沾
濡正值瘞圭虔祭告乃知此雨非自來全是

九重默感召憶昨炎暎蒸蘊隆焚巫暴魑衡亦工有司
不過修故事此意豈得迴蒼穹君不見 御香一到雨
滲漉至誠格天抑何速災荒必待

帝親救不知公等可食祿却看土脉纒春融山神社鬼
又言功

米價日增旅食不免節縮書此一笑

未試仙家辟穀方且謀節食爲空囊梅花瘦我疑

菜把驕人食萬羊門館漸稀留客飯奴童竊誚減軍糧

卻慚書卷空填腹不抵充饑一覈糠

上巳日過江小泊金山

六幅江帆拂曉烟採蘭時節嫩晴天弦生上巳初三月
茶試中冷第一泉修禊壺觴傳晉帖觀潮士女競吳船
那知倦客心情減寂寞來參佛印禪

江邊鷗鷺

覓食終朝傍水湄晚來戢羽靜無爲始知鷗鷺閒眠處
也在謀生旣飽時

飲啄呼羣不亂行空波容與太清狂扁舟偶過忽飛起
我已忘機他未忘

大風從丹徒口出江至瓜洲

風向西行水東注風水相薄乃發怒初疑風在水面掠
旋驚風入水底吐去聲大聲吼作百里雷碎沫濺成半空
霧捲翻峩頂亂雪堆倒豎匡廬急瀑布湧來突過道上
魚蹴起打落高飛驚一波未平又一波水皆壁立直不
仆江神似妬金山名幻出銀山與相爭想當負鼎蓄力
處徵集百靈供使令豈惟封姨肯助勢陽侯水夷齊赴
盟激濤巧趁子胥憤迴瀾弗顧河伯驚羽檄飛催鼉令
騎符書速召龍伯兵洞庭君分犀兕甲揆舍人借鸞鶴
營作使水族各賈勇推潮排浪高于城鰕鬚鼉杆前導
引蟹螯執鉞旁橫行負山巨鼃厚軸撼吸川長鯨洪鐘
鳴磨牙鯨將饕所欲暴腮鯉且洩不平下至白小一二

寸亦復跳躍學怪精遂使澄江一疋練掀天盪日爲鉤
鉤我來正值滿江闊萬斛龍驤莫敢動篙師欲試十幅
蒲拚我老命作戲弄剪江一霎三十里奔馬脫銜不可
控鐸譟斷渡悔不遵墨色覆舟恐竟中乘危幾愁軀骨
捐出險又覺心膽經擬借青天作紙張寫出奇觀豁醯
甕

菜花

始信東風氣力深盡將原野作芳林莊嚴老圃三春菊
富貴田家滿地金正色遙分曇佛面濃香不似女郎簪
前劉縱失桃花約羞見空來紫陌尋

未堂西巖松坪旣堂梅菴杜村招臨松崖漕使臨

集九峯園并爲湖舫之遊作歌

半年不上游湖艇爲怕出城見荒景四月麥熟已食新
適遇佳招吾可領巡漕使者將還京此間地主皆多情
九峯園中大設宴招陪折簡到老僮九峯中有一品石
八十一竅透寒碧傳是米顛昔所遺其餘八峯亦奇闊
綺寮砥室交掩映最玲瓏處集裙屐烹鮮斫鱸炊雕胡
主人稱觴客避席酒闌乘醉泛淥洞去探芍藥開未開
東風一夜萬花發到此始嘆天公才是日輕陰半寒暖
滿湖珠翠粉往回水學眉顰綠微皺山分髻色青濃堆
似爲游人助清悅襟塵一掃何快哉黃昏歸來再曲譙
興酣忘却街鼓催嗚呼此會不易得勝地名流兩相敵

蘭亭修稷漢陂遊俯仰人間幾今昔江山常新人易老
樂事轉眼卽陳迹可少題詩記登歷一爲歌行歌主客

湖上

畫舫多如打水圍綺羅隊隊炫晴暉天公也似爭鮮麗
特遣雲爲五彩衣

花關深鎖綠楊州一架春風綵索懸行過粉牆聞笑語
有人園內打秋千

最無拘束是楊花穿過林端又水涯我比楊花更飄蕩
夕陽西下未歸家

碧月高高爛絳河遊船歸處繡燈多青樓絃索教新曲
夜半猶聞愛愛歌

汪劍潭自汴歸見示汴中古蹟詩戲和博浪沙一首

道旁一擊若竟中劉項紛紛俱不用正惟瀉池壁未來
遂覺倉海椎輕動十日大索羅網張兩人飄然終遠颺
此段屈伸變化處已賽荆卿秦舞陽一試不效身再出
子房終把嬴秦蹶獨怪持椎狙伺人勇于猛兇俊于鶻
何以羣雄虎鬪時不復起事豎突兀將毋此亦大英雄
識幾甘避沛大風神龍見首不見尾去作海外虬髯公
坑死人歌爲郝郎作

孔雀東南飛其愛毛羽好其雌但羣羣五采必雄鳥乃
知男色佳本勝女色姣揚州曲部魁江南郝郎更賽古

何哉出水果蓮初日映臨風緒柳淡烟含廣場一出光
四射歌喉未啓人先慙銅山傾頽玉山倒春魂銷盡酒
行三遂令天下父母心不重生女重生男以是得佳號
坑死人滿城噪胭脂陣上倒馬關花月場中陷虎窖坑
縱不死死亦拚深葬當前甘自蹈古來掘地作塹坑或
殺腐儒或降兵不謂烟花有長平以此類推之妙悟觸
緒生宋坑可作宋朝諡秦坑應換秦宮名老夫老來怕
把坑字說況聞美男能破舌兢兢若將墜諸淵惴惴惟
恐臨其穴豈知一見也低迷不許廣平心似鐵目成幾
忘坎窞凶有人從旁笑此翁驅而納之莫知避教書人
未讀中庸

題春閨睡起圖

窗外一聲秦吉了落花驚破春魂小夢回何處續餘歡
倦坐無言繡幃悄小鬟多事漫相猜鏡卜瓦占翻聒擾
夢中所歷只自知說與旁人那得曉

淮遊

又泝長淮一道斜沿隄垂柳尙飛花河通估舶仍交路
運河深淺皆水今已盡開船皆暢行麥熟流民漸返家沙鳥爪深書篆繙水牛
腹飽狀琵琶依然四野恢台象今歲秋成定滿車

自嘲

久謝時榮養病身却因知己上淮濱黠奴竊笑幽棲客
又出山來謁貴人

時因雲巖相公至清口寄辭招晤故往謁

柳枝詞

踈地長條楊柳枝東風浪說惹相思自家飛絮猶飄蕩
那與人間管別離

所見

行屍諧語本荒唐不謂相逢滿道旁皮骨僅存人似腊
知無粒米在他腸

午日泊淮城憶兒輩揚州

已與兒曹約書齋酒泛蒲六旬扶老杖五日辟邪符豈
謂逢佳節翻教在旅途老病雖不惡未免憶諸雛

再晤晴嵐

豈意重過漂母亭扁舟暫爲故人停一年再覩逾頭白

千載相期有汗青共作人間長樂老敢關天上少微星
恰逢佳節來相訪省爾匆忙治食經

履跡曾同館閣班性情頗亦共疎頑清談無用空捫蝨
野性難馴早放鵬詩酒老餘無事福林泉生享太平閒
巢由不是陶唐世那得從容箕顓間

是日竹溪漕帥招同楊莊晴嵐置酒過節高宴竟

夕賦詩誌雅

折簡欣叨雅誼親蒲觴泛座酒千巡恰逢笙管娛佳節

誰肯雲霄念故人戰壘重談滇驃信

舊從公同在滇南戎幕

戲場正

演楚靈均

是日演屈原龍舟故事

欲知留客情深處醺罷歸來已嚮

晨

和詩

毓奇

廿年舊雨此重親
卮酒寧辭一再巡
往事猶驚嘶陣馬
清歌喜對倚樓人
平蠻經濟留聲遠
課士文章報國均
暢好竹西風雅地
歐蘇千古共昏晨

將至揚州口占

濃陰添綠上楊枝
來往俄驚十日期
誤了汪園紅芍藥
不曾看得盛開時

醉時歌贈春農同年

春農先生我老友
武庫胸中無不有
貫穿經史羅百家
碑勝文章推巨手
江北江南四十年
乞文車馬滿門前
其門如市文如水
不擇地湧萬斛泉
昌黎缺墓金無數

皇甫酬碑絹論千腰纏壓得鶴背重坐令不得飛上天
有官不補主壇坫龍門聲望青雲巔一年一年風氣變
米價日高文日賤貞珉讚頌錦屏詞昔是嫁衣今棄扇
黃紙豈屑寫表送織罽漸稀修贄見生平手積萬卷書
飢來一字不堪嚙噫嘻乎百足之蟲一足獸各自得食
不偏瘦人間只有賣文錢其技雖工計則謬時來紙貴
洛陽城運去窓糊酒家牖明知雞肋已無味老矣肯改
花樣繡昨見高門去請醫或有誌銘來相救

和詩

蔣宗海

興酣落筆推我友嬉笑怒罵無不有有時揮作醉時
歌却是曾遮西日手昔在京華最少年公卿倒屣侯

王前萬言可待看倚馬一石亦醉如流泉解事舍人
紫微冠探花及第名經千平生知己盡長德吹噓有
力飛登天一麾出守布條約威名早馳粵嶠巔大吏
欽君達時變世俗拘牽皆所賤身處脂膏能不染海
南到處仁風扇課畊不鄙農民愚講學嘗與文士見
觀察官高品益高菜根滋味饑時嚙懶向泥中看鬪
獸自分歸來食蛙瘦與君相見在揚州山長頭銜殊
不謬示我新詩三百篇爽氣朝來溢戶牖我亦謫仙
一導師金針錯把鴛鴦繡閉門十日只尋常不須裹
飯來相救

江鶴亭方伯招同松崖未堂蘧菴松坪棕亭春農

遊康山卽事

揚州城外園無數探奇須約出城去城中乃有好岩阿
傳是對山流寓處對山已往池館空誰擅此勝鶴亭翁
購時不過數椽屋因之試手開玲瓏有如滄浪蘇子美
四十千買地百弓後歸蘄王子孫手結構遂甲三吳中
主人開筵大召客邀我來遊覽名蹟一重一掩徑紆迴
絕似旋螺入深碧簾櫳都學宛委局巖洞必選皺瘦石
有泉偏在層椒巔有樹多長峭崖隙匠心占天不占地
更向半空壘文礪曲欄倚險峰欲飛平臺凌虛星可摘
千里川原入俯瞰雉堞雖高不能隔始信南垣平遠山
不如縮本畫家格對山當日彈琵琶未必有此境奇關

鶴亭特借對山名自寫胸中邱壑情對山翻藉鶴亭力
風流從此垂徽聲豈惟遊人盡仰止并邀

御筆題軒楹對山對山爾何福預結他生韵事續然諾
雖徇李崆峒才調未逾何大復倘非素熟權闔門安能
一言解危獄可知人品亦草草何以獨幸播芳躅由來
此事有宿緣異代偏逢地主賢生前詎有樓里智身後
翻邀峴首鐫不知我輩今朝樂可亦他年作話傳

一蚊

六尺匡牀障皂羅偶留微罅失譏訶一蚊便攪人終夕
宵小原來不在多

故人

飲人多臚仕快若凌風舸建牙乘朱轡曳履躡青瑣門
列戟戟森家擁金玉瑳偶念及腐儒知其掩關坐或憐
范叔寒遙贈綈袍裏或笑杜甫瘦賦詩嘲飯顆豈知此
老頑解衣磅礴裸心方古人期頤肯諸公夥生前不如
他死後不如我

題周昉背面美人圖

髻綰烏雲斜不整一片銷魂綠髻影亭亭背立碧欄杆
不見蛾眉見螭領毋乃避人含嬌羞復似向隅抱悲哽
當筵平視無所施穴隙旁窺亦難省前身豈是韓淮陰
相君背已非噲等干呼萬喚頭不回令人想殺姿容靚
崔徽自寫卷中人毫釐惟恐差笑顰延壽索錢雖不遂

未敢竟遺眼鼻唇何哉此圖含毫邈不着色相妙寫真
既無琵琶半遮面又非羃離全罩身取意乃取返照景
鑒之在後美絕倫昉也貌肥夙所擅并不貌肥意太新
得非其人本不美別構阿堵爲傳神君不見李夫人病
態恐使君王見君王臨問下羅幃轉向牀陰不露面又
不見李晉王一目眇兮微似線命工爲作習射圖眼光
側注雕翎箭大都疵類好掩藏圖中人必貌不揚只因
寢陋怕人看翻以護短巧見長真容安知非鹽嫫遺照
轉共疑施嬙此正畫師狡獪處騙盡人間浪子腸

自八六月大雨連旬數年不見此甘澍矣喜賦

連旬猛雨勢滂沱直把平疇漲作河只爲經年稀點滴

教人不敢更嫌多

開動天源挽不迴去年何以鍵難開虧他如許銀河水
忍住多時不下來

濕氣濛濛污葛巾曝衣難得是曦輪吾家應更添佳話
夏日翻教愛煞人

舟行絕句

一身充兩役誰道吳娘癡襁兒背上臥搖櫓兼搖兒

九峰園之宴園主人汪茂修未在座也後聞余有

詩以素冊來索書書罷戲題於後

借園宴客見深情園主如何不共觥大似倪家清閨閣
只教遊賞不將迎

王猷故事擬翻新看竹何妨見主人九點烟痕青未了
桃花潭水想汪倫

和再可立秋日感懷之作

秋懷兩首見心期頓使羈人起旅思貧病偏當臨老日
功名已過少年時支撐荒歉多餐粥愛惜精神少作詩
莫爲西風感搖落晚香應在菊花枝

壽雲巖公七十

使節來當介壽期老人星正耀南維望兼勲德裴中立
身繫安危郭子儀謨畫久持溫室內精神如在戰場
時從知天下蒼生幸平格方增福履綏
最高官爵最勞身三十年來驛騎塵鐵甲平戎荒徼外

金堤障水大河濱白頭勲舊朝無輩青史功名代幾人
一德堂廉真盛事

古稀天子古稀臣

秋齋爲都閩時桂林陳文恭公方撫吳深相器重
嘗手扎獎勉今文恭歿已十餘年秋齋裝潢其
扎屬題敬書於後

絕似師生授受親一當辟咎一書紳晴窓展卷還三歎
都是人間老輩人

黃閣騎箕已十春珍藏手扎尙如新門生故吏盈天下
不負傳衣只此人

哭陸朗夫開府

紫薇紅藥老同年開府纔登計已傳生有立身千仞壁
死無遺橐一文錢曉衙鼓散心如水夜館金來手指天
遙識湖湘清德在有人墮淚峴碑前

一官平進總循資素節冰霜凜自持禍起苞苴公不與
仕無梯筏

帝偏知

公以召對
受知

三年樞院追隨地

余與公同直
軍機處三年

千里歸航邂逅

時

己亥歲公奉母歸
與余相遇於梁溪

細數交游論人物九原可作更誰帥

金山咏韓忠武事

滿江風捲怒濤聲千載如聞戰鼓鳴南渡君猶能將將
中權帥竟出卿卿時清兵燹無遺跡事往英雄尙大名
愧我亦曾身執戟至今仍作一書生

扁舟到家適次兒廷偉補弟子員賦以勉之

買舟歸故里挾冊念諸郎

大兒廷英廷賢俱科試廷偉童子試

兒敢來迎楫吾知

已在庠始基通籍路遠緒讀書香年恰符衣鉢

余年十九補諸生兒今年

平

家需肯構堂阿咸名早擢

廷賢前歲補諸生

文度譽初彰紅紙欣

頻報青箱稍有光也勞諸友賀欲起老夫狂角粽堆盤

滿欄衫製服忪最憐癡阿母似辦嫁新娘初級登雖捷

前程赴正長一層棲革鵠十載束脩羊尙是初禪地須

經古戰場我非難跨鼃汝豈始扶牀植品持圭璧探經

徧縹緗士當先器識國可報文章勉矣脩途奮而翁

願待償

咏史

漢武擅雄略隻手運九垓汲黯董仲舒雖賢不鼎台所用衛霍輩不過奴僕才驅之卽成功地拓寇敵摧乃知主英斷但需羣策材朝有名臣見已是衰運來孔明初出師討賊氣甚壯不效治臣罪似供軍令狀及敗街亭歸始知事難量利鈍非逆睹不敢必掃蕩以彼十倍才閎歷彌退讓奈何白面徒妄起功名望手執鐵如意輒比諸葛亮

古制謁長者脫屣始造請見君更不韞左氏傳可證蕭何履上殿殊禮出特命迨乎唐以來朝鞞始漸盛及其習用慣遂乃著爲令設使跳入朝翻成大不敬泥古有難通卽事朗可鏡所以周官書或貽後世病

高人偶托跡遂佔厥地名李白一采石右軍一蘭亭千載竟專屬後人莫能爭由來古人傳自有真精英才分稍不逮焉得相抗衡荆公奪謝墩墩終未號荆何況桑民憚赴官柳州城自詭此一去將掩子厚聲至竟羅池廟何曾視鰕生

荆公變祖法志豈在榮利蓋本豪傑流欲創富強治高可追申商蘇綽乃其次及思法必行勢須使指臂羣小遂競進流毒不可制推原其本懷固與權奸異始知功名心亦足禍人世

刊碑列黨人取旨永不赦讐正亦何心彼用恐我罷不過爲身謀禍乃遍天下所得究幾多一官僅鴟嚇譬如

猶猶犬爭在一鬻炙嗚呼此更陋固不值一罵

康山席上遇歌者王炳文沈同標二十年前京師
梨園中最擅名者也今皆老矣感賦

燕市追歡夢已賒近游欣此度紅牙豈期重聽何歡曲
恰是相逢劇孟家歌舞夜闌看北斗江湖身遠憶東華
當年子弟俱頭白忍不飛騰暮景斜

納涼

盆池新浴罷雨過淨遙空霞色隨孤鷺秋聲在一蟲移
牀風過處捲幔月明中晏坐生禪悅此懷誰與同
坐久渾無暑濛濛露氣侵殘燈三鼓暗斜月半牆陰人
老如秋到詩成已夜深虛堂清不寐一再撫瑤琴

兩臂風痺復發自春及秋療治不效殆將癰疾矣
我不能挽強弓挺長戟奮臂軍前立勲績尙思左持螯
右揮毫掉臂林下遊逍遙胡爲風痺欺我老患起肘腋
費攻討昔年發幸痊今年纏不了酸疑醞醋淬痛甚頑
石擣屈伸僅餘腕可運轉旋難與項俱拘有衣不能披
如兒待人裸背癢不能搔想殺麻姑爪曲肱尋樂翻苦
辛張拱作禮欠端好有時敲以女手卷耐打李陽毒不
飽曾聞足中有鬼多迤邐詎知手亦有鬼相掣牽幸而
罷官兩肘已無用不然斗大金印如何懸臂經急尋繹
灼艾煎膏俱不惜傳藥少驗方攻火又下策徒成豫讓
漆身癩莫償田與熏體炙或言辟寒須用煖湯浴復汲

井華煮滿斛坐使皺皮垢面一衰醜忝充華清妃子胭
脂肉療治亦已工依然折臂翁由來衰至疾自攻一葉
落可知秋風君不見老樹原非一朝折今歲枯幾條明
歲禿幾節數十年始生意竭從今且學舞支離笑比孤
桐半死時亭亭百尺龍門上老幹特立旁無枝

兒姪三人赴江寧鄉試余欲以送考往遊適俗事

羈揚州不果

四十年前試建康喜看赴舉又諸郎阿婆欲奏將雛曲
老將難忘射虎場渺渺六朝餘故壘盈盈一水限輕航
隔江未免成搔首懷古詩篇少數章

子才過訪草堂見示近年游天台鴈蕩黃山匡廬

羅浮諸詩流連竟夕喜賦

薄暮君忽至今我喜欲顛與君兩年來書問月幾筵終
不如見面快吐所欲言何期有今夕把酒明燈前當年
驚蚊蝶逸態猶翩翩髭鬚雖已白狂過惡少年醉後起
談鋒巖電目炯然妻孥亦驚咤私矚門隙邊不知是才
子但疑老神仙

趙州年八十打包始行脚君亦近七旬忽思訪名嶽撻
雲黃海深看桃台洞灼旋支廬阜筇復躡羅浮屨攀崖
臂爲猿穿松身化鶴顛趾倘不虞蠶粉付一落求榮求
利耶爲此童騃樂及歸倒錦囊奇句森歎薄青山千萬
古生面一朝擴始知此老黠重輕早自度好詩拚命換

雖癡固未錯

我最愛君詩君亦愛我句他人豈不賞不着痛癢處惟
此兩老翁交融水投乳情爲成連移曲經周郎顧中宵
姑婦棋數着局已悟徐夫人七首不待血如注賞奇意
也消中病手無措微言澹相對銀河耿斜度僮奴侍兩
旁不知是何故但覺雙白頭燈前點不住

文人例相輕反脣互瑕尤楊恥王後居邢笑任集偷嘲
杜飯穎山壓李黃鶴樓豈知皆小見氣矜羣兒咻茫茫
大宇宙聽人各千秋蓋棺論自定睽睽有萬眸劣雖強
加膝優難禁出頭所以君與我彌覺意氣投尹邢不避
面翻欲同羅幃君才馭鸞輪我力破浪舟一代詩人內

要自兩效虬

劉霞裳秀才美姿容工詩嘗偕子才爲名山之遊
今又同舟來謁喜而有贈并調子才

緒柳風流見後身雅吟況復擅清新世間真有無雙品
才子原來是美人

白頭人共泛清波忽覺沿堤屬目多此老不知看衛玠
自誇看殺一東坡

腸斷簪裾晚始陪桃花不及見初開相逢莫怪劉郎老

曾向天台洞裏回

劉霞裳秀才笑
台今年已二十九

最羨師生共一航曉慈聯句夜傳觴禪門亦有旁參法
我欲勾他叛呂防

再過淮上晴嵐留飲荻庄卽事

潦後重來訪荻庄西風踏葉徧籬牆行厨酒屢斟重碧
留壁詩猶掛硬黃家幸未沉河伯婦人傳已作水仙王
淮水多
說舊宿衰年何意頻相見把臂寧辭放老狂

連日飲晴嵐家賦贈

良晤連旬日深叨地主賢家多佳子弟身是老神仙杯
續過牆酒詩成湧地泉晚香風味好正在菊花天

附
和詩

程 沆

鐘鼎縻豪俊山林亦養賢歸爲雲臥客老作地行仙
筆灑千峰雨胸流萬斛泉曾傳縣竹頌廣樂奏鈞天
程吾廬司馬招飲觀劇賦謝

淮水秋風暫泊船，敢勞置酒枉名箋。翻因誤入桃源洞，

又荷相招菊部筵。

去歲因訪晴嵐，謬造君宅，遂成相識。

玉樹一行新按隊，

歌伶皆童年。覓

裳三疊小游仙。殷勤最是留髡意，別後猶應夢寐懸。

晴嵐以余六十枉詩稱祝次韻奉答

交誼真叨白首新，好詩矜寵到鱸尊。十年以長公稀古，

君年七十一

一事無成我負春。來日固難多去日，後人將又視

今人。文章功業俱安托，虛忝儒冠七尺身。

冷淡生涯覓句新，久將閒跡寄湖尊。小眠蠶已桑將老，

大蔽牛慚櫟也春。年命魯陽揮後日，功名鄧禹笑中人。

祇應憑托昇平世，穩作林間冗長身。

去身聲

附原詩

程沆

歲華功業及詩新早戀南湖千里尊白髮承平詩是
史青山壽考日皆春過江名士有公論曠代雄文無
古人幽澗蒼松二千尺百年長此歲寒身

送惕莊離使內遷熱河總管

淮南秋老鴈飛時正送嚴裝謁玉墀劉晏所營皆久
計韋丹雖去有餘思頻年心力勞輸挽今日情懷感別
離稍喜官班依紫籞鶯遷迥在上林枝
熱河形勝擁千山此去常欣奉

帝顏宮闕行都清暑地簪裾仙界侍晨班官閒燕寢凝
香坐身健龍沙射獵還是我當年舊游處憐今不及共
追攀

兒偉就婚固始謝明府署中已諷吉成禮喜賦

千里書傳合卺杯琴堂花映繡屏開家貧不免爲齊贅
婦好原來是謝才一斛檳榔須有報雙棲玳瑁定無猜
尙平婚嫁剛完半又向名山展限來

雜書所見

詩人好吟咏無論所遇殊在朝歌卷阿在野諧康衢卷
阿豈不佳未免詞多腴若寫太平象烹葵斷瓜豈此豈
可懸擬須識字耕夫所以卿雲曲或輸幽風圖

文章與政事並營必鹵莽吾友三四人俱早辭塵網續

學推王錢

羅

工詞數袁蔣

子才

去官事著述真心縱孤往

彼皆曠代才猶難力兼兩邠觀韓歐蘇仕不廢吟賞文

成吏牘餘詩就訟堂上至今所流傳光燄炳穹壤母乃
真天人固絕人意想

後人觀古書每隨已境地譬如廣場中環看高臺戲矮
人在平地舉頭仰而企危樓有憑檻劉楨方平視做戲
非有殊看戲乃各異矮人得意歸自謂見仔細樓上人
聞之不覺笑歎鼻

山僧例趨勢向我發嘆嗟苦道酬應冗身不脫袈裟方
叅達官署又迎貴客車厨催香積飯爐選頭綱茶其詞
若有憾其意實自誇一笑語山僧母乃路已差爾旣厭
煩羈何不出了家

才士例好色風懷托所寄少年貧作客縞綦且抱藥及

夫仕宦成粉黛力可致清晨自覽鏡冉冉老已至乃知
薄劣姿此樂難妄與金釵十二行本非書生事奈何服
疏黃拚以性命試

何處夫已氏作吏印懸肘望門計民貲掩取魚入笱鴟
呼百金產中人豈易有饑腸忍吼牛勞筋羨眠狗銖銖
積數世方期保敝帚一朝威攫之空空剩兩手竭彼祖
父力貽我子孫守天道果有知此物可能久

一枕

一枕槐安夢已捐此身何處不翛然課程排帙晨稽古
心事焚香夜告天庸福寧求木居士高踪或比地行仙
偶翻除目尋交舊半在三霄半九泉

哭蓉龕前輩病歿杭州

鄉邦年最宿臺館職皆清老尚好丰采貧偏富性情琴
樽前輩韻月旦後生評何事西湖去俄驚笙鶴迎
林下嫌孤寂惟欣舊雨過此翁那可逝老友本無多畫
楫方迎養輜車忽挽歌從今白雲渡誰共踏寒莎

門人管南英落解後金圃少宰特舉優生貢入禮

部喜賦

秋老方悲落葉聲別膺薦牘謁承明陳平貌果非貧賤
庾信文原最老成投贈珠重遭物色晚開花倍發精英
便應翔步雲霄去豈但笙簧賦鹿鳴

陳繩武司馬招同春農寓齋燕集女樂一部歌板

當筵秉燭追歡卽事紀勝

紅紙簽名喚主謳使君要占老風流幽燕俠氣來元苑
雲雨閒情樂爽鳩客醉擬將紗繫臂詩成或當錦纏
頭只慚措大郎當甚不稱佳人勸酒籌

風景真令裂老顛衣香人影膩如烟難降席上胭脂陣
甘受空中指爪鞭曲調轉因邀顧誤燈光似爲定情圓
何當禁斷蝦蟇析窟室長酣不曉天

春情益益夜迢迢占盡烟花廿四橋少女八三偏覺暖
書生魂小不禁銷霜迴瓊戶簾衣隔月避金缸蠟樹燒
細數生平斷腸處此番也算可憐宵

馬湘寇白舊平康名字流傳齒齒香一夕緣尊重作會

百年紅粉遞當場濃粧氣壓冬烘客艷曲聲翻夜度娘
惱煞司空謗見慣累儂臨老發清狂

題戚繼光自寫詩卷中有新月如鈞不釣魚之句

頗有風趣

數行繭紙墨光浮傳白壽邊第一樓福將死終歸枕枕

武夫才亦咏鈞鈞

金積遺集鈞鈞不明人
作鈞見諸山堂外紀

筆鋒鋌利戈矛氣詩律

精嚴鼓角秋想見北門開臥護承平閫帥最風流

買燈十二挂皆舊家物也書示兒輩

十二明燈爛似霞買來光炫膽瓶花豪家下等莊嚴物

移到貧家便太華

想見華堂照酒樽無端來伴我黃昏須知是物關興替

最後登門早出門

家是買燈最爲不覺之務
及稍貧則此物先賣矣

壽金丈志達八十

耆英遐福日初昇解組仍欣

紫詔膺家慶及身看四

代儒餐每飯尙三升品高鄉社迎車拜詩就兒孫蘸筆
膳養老卽今脩盛舉蒲輪會見 璽書徵

和友人拂水山莊感賦原韻

飛瀑依然萬點多當年養望此岩阿空山竟不生薇蕨
破屋徒憐補薜蘿人笑褚公猶齒冷家還江令已頭皤
如何領袖山林席名節翻輸一翠蛾

送姚秉璋中翰赴補

寶馬珊珊赴 闕新紫薇郎好正青春詩篇李嶠真才

子風貌王昌是美人獻賦早騰詞錦繡揮毫初寫簿
絲綸從來科第須年少聽取看花踏麴塵

秋燕

落木風高葉漸稀人家刀尺促寒衣生憎燕子炎涼甚
春便飛來秋便歸

卜居

卜居未久白雲溪坊曲平時過從稀怪底鄰家肯賒酒
先生將有束脩歸

送金圃少宰視學期滿還朝

使旌兩度莅江關手挽斯文正始還四海共瞻壇坫峻
七旬猶未髣毛斑鎖廳曉試傳籤肅檠宵吟點筆閒

要識士心傾戴處孤寒多少欲追攀

名場回首感難忘早退深慚負所望尙許散人聯齒序

公辛未召試中書府其
年卿附故與余爲同年

敢爲處士作牙行

管南英在余書院中歷
試高等公遂舉優貢

一編我就

丹鉛老 雙闕公歸劔履光到日定知榮

畫接相麻宣喚入平章

歲暮將歸留別揚州諸同好并示院中諸生

近游忽已兩年淹歸思頻隨白髮添
莊助偶膺梁苑聘
穆生非慮楚人鉗二分明月如相送
十里朱簾本未濕
自爲衰遲難作客
閉門只合故山潛

臯比敢忝坐論文
深愧陳蕃平榻殷
時過官更新令尹
客孤我亦故將軍
離懷塞北宵寒月
倦跡江東日暮雲

記取河梁攜手處幾行別淚落波紋

招呼到處荷賓筵多感留髡地主賢
夜月笙歌功父宅春風書畫米家船
氣豪直賜鯁肩酒量小豈勝雞肋拳
此段風流也佳話他年或有畫圖傳

草綠庭階畫掩關諸生偏喜共追攀
學慚曹洞無衣鉢名敢韓門說斗山
鴻爪痕留詩唱和牛腰卷謝筆塗刪
他年爲我增榮處藥榜連翩玉筍班